

- 1<sup>r</sup> Jch hett vergessen nach jnn myr
- 2<sup>r</sup> Das ich nit noch eyn schyff jn für
- 3<sup>r</sup> Do ich der buren narrheyt rür



### von burschem vffgang

- 1 Die buren eynfalt ettwann woren
- 2 Nüwlich jnn kurtz vergangenen joren
- 3 Gerechtikeyt was by den buren
- 4 Do sie floch vß den stett vnd muren

5 Wolt sie jn ströwen hüttlin syn  
 6 Ee dann die buren druncken wyn  
 7 Den sie ouch yetz wol mögen tulden  
 8 Sie stecken sich jn *grosse* schulden  
 9 Wie wol jn korn / vnd wyn gilt vil  
 10 Nāmen sie doch vff borg vnd zyl  
 11 Vnd went bezalen nit by zyten  
 12 Man muß sie bannen vnd verlüten  
 13 Jn schmeckt der zwilch nit wol / als ee  
 14 Die buren went keyn gyppen me  
 15 Es muß syn lündsch / vnd mechelsch kleidt  
 16 Vnd gantz zerhacket / vnd gespreyt  
 17 Mit aller varb wild / über wild  
 18 Vnd vff dem ermel eyn gouchs bild  
 19 Das statt volck yetz von buren lert  
 20 Wie es jnn boßheyt werd gemert  
 21 All bschisß yetz von den buren kunt  
 22 All tag hant sie eyn nuwen funt  
 23 Keyn eynfalt ist me jn der welt  
 24 Die buren stecken gantz vol gelt  
 25 Korn vnd wyn haltens hynder sich  
 26 Vnd anders das sie werden rich  
 27 Vnd machen selber jnn eyn dür  
 28 Biß das der tunner kumbt mit für  
 29 So würt verbrennt dann korn / vnd schür  
 30 Des glich by vnser zyten ouch  
 31 Jst vff gestanden mancher gouch  
 32 Der vor eyn burger / kouffman was /  
 33 Will edel syn / vnd ritters gnaß  
 34 Der edel man gert syn eyn fry

o4r

o iiij

---

**8** *grosse* ] *grossen* GW5046    **28** *tunner* GW5046 GW5047 ] *tunder* GW5041    **30** *vnser*  
 GW5046 GW5047 ] *vnfern* GW5041    **33** *ritters* GW5046 GW5047 ] *ritter* GW5041

35 Der Groff / das er gefürstet sy  
 36 Der fürst der kron des künigs gert  
 37 Vil werden ritter / die keyn schwert  
 38 Dũnt bruchen für gerechtikeyt  
 39 Die buren tragen syden kleydt  
 40 Vnd gulden ketten an dem lib  
 41 Es kunt da har eyns burgers wib  
 42 Vil stöltzer dann eyn grãfin dũt  
 43 Wo yetz gelt ist / do ist hochmũt  
 44 Was eyn ganß von der andern sycht  
 45 Dar vff on vnderloß die dicht  
 46 Das muß man han / es dũt sunst we  
 47 Der Adel hat keyn vortel me  
 48 Man fyndt eyns hantwercks mannes wib  
 49 Die bessers wert treit an dem lib  
 50 Von rœck / ryng / måntel / borten schmal  
 51 Dann sie jm huß hat überall  
 52 Do mit verdyrbt manch byderman  
 53 Der mitt sym wib muß bãttlen gan  
 54 Jm wynter drincken vß eym krũg  
 55 Das er sym wyb mœg thũn genũg  
 56 Wann sy hüt hatt als das sy gelangt  
 57 Gar bald es vor dem kœuffler hangt  
 58 Wer frowen glust will hengen noch  
 59 Den frürt gar dick / so er spricht schoch  
 60 Jnn allen landen ist groß schand  
 61 Keynen benũgt me / mit sym stand  
 62 Nyemans denckt wer syn vorderen woren  
 63 Des ist die welt yetz gantz voll doren  
 64 Das ich das worlich sagen magk  
 65 Der dry spitz / der muß jnn den sack

---

36 der GW5046 GW5047 ] die GW5041 45 die GW5046 GW5047 ] fie GW5041